

Na osnovu čl. 9. i 33. stav 2. Zakona o pozorišnoj djelatnosti ("Službene novine Kantona", broj 14/00), ministar kulture i sporta Kantona Sarajevo, donosi

PRAVILNIK

O REGISTRU POZORIŠTA

I - OSNOVNE ODREDBE

Član 1.

Ovim pravilnikom uređuju se sadržaj i način vođenje registra pozorišta, pozorišnih grupa, filharmonija, simfonijskih orkestara, ansambala narodnih igara i pjesama i drugih profesionalnih ansambala i drugih muzičko-scenskih organizacija koje imaju sjedište na području Kantona Sarajevo (u daljem tekstu: Registar).

Registar pozorišta vodi se u ministarstvu nadležnom za kulturu (u daljem tekstu: Ministarstvo) posebno za pozorišta, a posebno za pozorišne grupe, filharmonije, simfonijske orkestre, ansamble narodnih igara i pjesama i druge profesionalne ansamble i druge muzičko-scenske organizacije koje imaju sjedište na području Kantona Sarajevo (u daljem tekstu: pozorišta).

II - SADRŽAJ REGISTRA

Član 2.

U Registar pozorišta upisuju se podaci o osnivanju, prestanku rada, promjenama naziva, statusnim i drugim promjenama subjekata upisa iz prethodnog člana.

Član 3.

Registar pozorišta ima slijedeće rubrike:

1. redni broj i datum upisa u registar,
2. naziv i sjedište pozorišta,
3. broj i datum akta o osnivanju,
4. djelatnost pozorišta
5. izvori sredstava za osnivanje i rad pozorišta,
6. broj i datum prijave za upis u registar,
7. broj datum i mjesto upisa u sudski registar,
8. broj i datum akta o prestanku rada, statusnim promjenama, promjeni naziva i
9. drugim bitnim promjenama,

10. primjedbe,

11. potpis ovlaštenog voditelja registra.

Upis podataka u navedene rubrike vrši se na osnovu originalnih dokumenata ili njihovih ovjerenih prepisa.

Član 4.

Knjiga Registra ima numerisane stranice brojem od 1-100.

Na svakoj stranici Registra otisnut je sadržaj rubrika iz prethodnog člana ovog pravilnika.

III - POSTUPAK VOĐENJA REGISTRA

a) Upis u Registar pozorišta

Član 5.

Upis u Registar vrši se plavim mastilom.

Na jednoj stranici Registra upisuje se samo jedan subjekt upisa.

Svaki upis podataka u Registar ovjerava ovlašteno lice svojim potpisom.

Ispravka pogreški vrši se na način da se sporni dio teksta precrta crvenom linijom da ostane čitljiv, a ispod njega upiše ispravan tekst.

Član 6.

Sve promjene upisa vrše se na način da se raniji upis poništi crvenom dijagonalnom linijom, a u slijedećoj rubrici upiše novi tekst.

b) Brisanje iz Registra

Član 7.

Pozorišta se brišu iz Registra u slučaju prestanka rada ili statusnih promjena (spajanje, pripajanje i podjela).

Brisanje se vrši na način da se crvenim mastilom zaokruži redni broj upisa u Registar i dijagonalno precrtaju svi ranije upisani podaci, a u napomeni navede razlog brisanja.

U slučaju statusne promjene pozorište se upisuje pod novim rednim brojem, a u rubrici primjedbe unose podaci o nastaloj promjeni, uz naznaku rednog broja ranijeg upisa.

c) Knjiga isprava

Član 8.

Pozorište podnosi Ministarstvu, kao prilog prijave za upis u Registar, i dokumente o ispunjavanju uslova iz člana 7. Zakona o pozorišnoj djelatnosti odnosno Pravilnika o uslovima za osnivanje i rad pozorišta.

Dokumenta iz prethodnog stava čuvaju se u posebnim fasciklama označenim rednim brojem upisa u registar i čine knjigu isprava koja je sastavni dio registra.

Ministar nadležan za kulturu izdaje rješenje o upisu u Registar najkasnije osam dana od izvršenog upisa.

IV - PRELAZNE I ZAVRŠNE ODREDBE

Član 9.

Prijavu za upis u Registar postojeća pozorišta dužna su podnijeti u roku od 30 dana od dana stupanja na snagu ovog pravilnika.

Član 10.

Stupanjem na snagu ovog pravilnika na području Kantona Sarajevo prestaje sa primjenom Pravilnik o načinu vođenja registra pozorišta ("Službeni list SRBiH", broj 23/78).

Član 11.

Ovaj pravilnik stupa na snagu danom objavljivanja u "Službenim novinama Kantona Sarajevo".

Ministar prof.Gradimir Gojer, s. r.